

將述宣字茂則 聊刻錄字貞珉
序擬頓字三楡 昭遵德字萬春

猶龍傳卷之六

三經同卷

孝一

太上說玄天大聖真武本傳神呪妙經
真武靈應真君增上佑聖尊號冊文
章獻明肅皇后受上清畢法錄記

太上說玄天大聖真武本傳神呪妙經

仰啓玄天大聖者 北方壬癸至靈神

金闕真尊應化身 無上將軍號真武

威容赫奕太陰君 列宿虛危分秀氣

雙睛掣雷伏羣魔 萬騎如雲威九地

紫袍金帶按神鋒 蒼龜巨蛇捧聖足

六丁六甲左右隨 八煞將軍前後衛

消災降福不思議 皈命一心奉禮

爾時紫微大帝於龍漢元年中元之日在太

清境上北極官中向紫微之殿前列諸天之

上聖南北二斗東西兩曹消五方之五星及

六官之六曜二十八宿十二官神飛天神王

無極仙眾咸親帝座肅拱宸威時有玉童傳

大帝之勅北方大將玄武將軍宜稟

玉皇聖命勅令每月三度統領神兵躬往諸

天倘為巡察凡遇邪氣又有妖星逆次流躔

速須剪戮又遇三元八節甲子庚申一月一

辰降於下界錄善罰惡輔正除邪濟拔天人

祛妖攝毒以副上意切切為之時有真人名

曰妙行特離班次疎伏帝前曰臣宿有因緣

得聞妙理北方大將玄武將軍巡察天人錄

善罰惡不知此將應化何因有何神通鬼神

降伏願惟大造少悟小聰是時

大帝隱几而言妙哉真人能為凡間然其玄

武應化之因渺邈難窮希夷莫究蓋乃玄元

聖祖護度天人應化之身神明之妙蓋無形

之為道非有象之可言變化億千虛無難測

且玄元聖祖八十一次顯為老君八十二次

變為玄武故知玄武者老君變化之身武曲

顯靈之驗本虛危之二宿交水火之兩精或

掛甲而衣袍或穿靴而跣足常披紺髮每仗

神鋒聲震九天威分四部擁之者早霧玄霧

躡之者蒼龜巨蛇神兵神將從之者皆五千

萬眾玉童玉女侍之者各二十四行授北帝

之靈符佩乾元之寶印驅之有雷公電母御

之靈符佩乾元之寶印驅之有雷公電母御

之靈符佩乾元之寶印驅之有雷公電母御

之靈符佩乾元之寶印驅之有雷公電母御

之有風伯雨師衛前後則八煞將軍隨左右
則六甲神將天罡太一率於驅使之前社令
城隍悉處指揮之下有妖皆剪無善不扶朝
金闕而赴崑崙開天門而開地戶者冥恍惚
審察窮通居其主祭之方助有甲庚之將或
乘玄駿或跨蒼虬目閃電光眉橫雲陣身長
千丈頂戴三台其動也山水蒙其靜也地天
泰以茲顯化故乃神通是時真人再拜稽首
曰臣之慶幸荷此綸辭然其玄武之將軍乃
玄元之應化其始之迹其事云何願賜詳言
以開蒙鄙於是

紫微大帝敷以玄言釋彼所因解無上事昔
大羅境上無慾天宮淨樂國王善勝皇后夢
而吞日覺乃懷孕其母氣不納邪日常行道
既經一十四月乃及四百餘辰於開皇元年
甲辰之歲三月三日午時降誕於王官相親
殊倫後既長成遂捨家辭父母入武當山修
道四十二年功成果滿白日升天
玉皇有詔封為太玄鎮於北方顯達之因自
此始也真人稽首再拜白

紫微大帝曰

玉皇詔封必有妙旨敢問大略以開小聰爾
時告於妙行曰天書秘密何以談揚恐泄天
機深為不便大梵隱語真使眾聞妙行真人
拜首稽首復奏言曰臣雖緣薄聖必恩寬曲
念眾真特垂大便宜輕泄慢當墮惡道萬劫
千生受為下鬼是時
紫微大帝念此真人著意勤奉再三請問遂
宣帝勅以示眾真夫此秘言金書篆字大方
一文號曰天符見之者求處天仙聆之者不
歷地獄

其詔文曰

金闕昊天三省門下牒奉勅學仙聖靈淨樂
國子惟卿玄元之化天一之專不言而教真
知其神渺渺劫劫綿綿若存虛心實履和光
同塵鑿開造化朴散胚渾六百萬歲八十二
身由全枉直窪盈弊新生陰育陽起死成人
其功不恃其德乃真今宜再顯永鎮北星上
蜀逆象下滅妖氛掌握圖錄攝制魔孽真
靈會驅神駕龍甲庚之將贊衛爾敷周環六

合普福兆民道泰天地萬神所推可特拜太
玄元帥鎮元和遷校府公事冊到奉行
紫微乃言告真人曰此文者
玉皇秘勅天帝微宣不可輕傳恐遭降責真
人稽首又白帝言臣聞玄武將軍神通至大
不居諸位而鎮北方妙用之因神明之契必
有與旨願釋鄙懷大帝遣音告真人曰天中
北上衆曜拱之以匪至神孰能鎮遏真人乃
啟於紫微若有天人志心欽仰其於福利有
所得乎

大帝曰此神將是歲每月十六日二十
六日諸天審察十洞巡遊及正月七日二月
八日三月九日四月五日五月六日七月
日七月七日八月十三日九月九日十月二
十一日十一月七日十二月二十七日下降
人間剪滅邪魔驅除瘟疫保人慶壽以全天
命其有氣正心純忠全孝盡名書玉簡係舉
升仙更有玄針莫可併述真人稽首再拜白
紫微大帝曰顯化之因則闡命矣天人欽仰
玄武將軍作何皈依設何方便而得福利幸

賜一言大帝是時告真人曰天地之內能有志心奉祀玄武一生之內不食腥羶自斃毒傷厭穢之物及於蒞菜大蒜胡安就延嗜慈扶尸接產若能斷得方可志心凡臨下降之辰皆有預祥之慶其夜先當漂滄身心不汨思慮至五更躬然香燭淨果衆湧位列有志純于一稽首禱告無願不從然乃淨思虔誠誦其神呪

北方玄天	杳杳神君	億千變化
玄武靈真	騰天倒地	驅雷奔雲
隊伍千萬	掃蕩妖氣	雷公侍從
玉女將軍	鬼神降伏	龍虎潛奔
威鎮五嶽	萬靈咸遵	鳴鐘擊鼓
遊行乾坤	收捕逆鬼	推斬魔羣
除邪輔正	道氣常臻	急急如
元始上帝律令	初	
太陰化生	水位之精	虛危上應
龜蛇合形	盤遊九地	統攝萬靈
無幽不察	無願不成	劫終劫始
剪伐魔精	救護羣品	家國咸寧

數終未甲 妖氛流行 上帝有勅
吾故降靈 歲揚正教 蕩邪辟兵
化洽黎兆 協贊中興 敢有小鬼
欲來現形 吾目一視 五嶽權傾
急急如 太玄律令 初

妙行真人曰功德之妙顯應之因幸以竊聞頓開迷悟其有蠻夷之輩愚蠢之人耳縱得聞心無所信設有果報可示一言

紫微大帝曰雖云愚蠢必識炎涼縱處蠻夷須知苦樂信則神鬼清爽違則禍患業仍致使富之兒孫貧多了息或男值兵戈而殞命或女罹媿孕而傷生常出入於訟庭每沈淪於苦海銷磨產業耗散資財蓋緣自咎故獲斯因此神將所在俾妖縮首邪道遁形是以奉之者福遂雲生灾隨電散汝因懇問吾故泄機陳道紀於微源使天民之巨慶言雖簡要欲汝曉明非乃至人秘之宜也真人曰妙用之理可得一聞
大帝曰昔永壽元年上元之日
元始天尊於八景天宮向五雲座上與三十

六天上帝七十二福地真人無量飛天大神無極長生大聖金童玉女九鳳八鸞侍衛於輝光羅列於左右八音自響衆聖咸欣嚴聽天尊說至真之妙法肅清道氣繞無上之玄元方妙理之研精俄天門之東北七聲大震十目齊觀觀下界之冤魔結衝天之穢氣衆真默爾大道寂然時妙行真人問所由於元始既敷妙法合集殊祥是何異因於此輒冒可垂與旨以解衆疑

大帝曰下元生人皆崇至道受氣氣之清氣以扶衛於赤身今以劫運將終妖魔漸盛唯從邪道不省本源樂奉邪神詭求餘福昏迷沈亂會慙剛強不義不仁不忠不孝今為六天魔王五府瘟曹不以尊卑枉致傷害或老或少或女或男未盡天年徒違人世本非死限故使冤孤怨恨上衝盤結不散此之暴卒實可悲哀妙行真人上白
元始衆真矜彼衆生何緣度之天尊乃叩齒一通流光萬里北方命召太玄將軍剪戮衆妖救度羣品真人曰不審此將而以何緣位

鎮北方威降下鬼掃蕩妖氛大帝曰此神未
開造化先稟神靈易號假名度人濟物不伐
其善不矜其能荷其

玉帝封為玄武真人曰馬得此將而往下方
威度羣品免遭掃蕩死者解脫存者康寧夫
尊以飛符召之此將玄武蒙詔神兵從行至
不夜之丹墀親強名之大道作禮長跪稽首
進言今日何緣蒙符特召慈顏幸觀妙旨何
歸竦伏軒墀俯膺令命

天尊告曰吾觀下界怨氣衝天大眾威驚高
真於愍御之往彼改則欽哉玄武於是奉命
辭天回光返照披髮跣足降龜躡地仙仗雷
奔天丁翊衛俄於倏歛徧彼乾坤剪酷毒之
妖魔捕恣橫之瘧疫幽寬生眾苦病離病人
鬼分離冤家解脫黎民安泰國土清平玄武
再覩

天尊具言道力功成事遂濁降清升却返祥
光復還本位交乾布斗激坤指置上佐天關
而作呪曰

太初太易 無象無形 莫知重濁

孰辨輕清 吾於混沌 分其昏明

天得以健 地得以寧 民得以養

物得以萌 邪得以正 神得以靈

三才之內 萬類咸亨 大道既散

仁義乃興 禮樂既作 姦邪斯行

六義或失 四民有爭 上不寬恕

下不忠貞 或魔或鬼 或妖或精

恣橫荼毒 干擾生民 全家染患

累歲刑名 財物耗散 骨肉伶仃

性命往逝 灾禍相縈 穢雜之氣

上達天庭 天尊有命 令吾安平

有妖皆剪 無鬼不烹 瘟疫之吏

束首服膺 鬼精滅爽 邪魔摧傾

吾有億聖 五千萬兵 天上天下

從吾降升 拒吾者滅 奉吾者生

惡吾者辱 敬吾者榮 禮吾者壽

非吾者斃 吾有此令 人鬼咸聽

急急如 太玄律令攝

爾時妙行真人無量飛天神王真仙大眾聞
是說已踊躍作禮讚嘆功德祕籙琅函後有

謫仙傳於人世志道之士稽首奉行

太上說玄天大聖真武本傳神呪妙經